

KOSMO! RABU 13 JULAI 2016



HARGA
MINYAK
DUNIA

West Texas
Intermediate
AS\$44.97
(RM178.38)

Brent North
Sea Crude
AS\$46.55
(RM184.64)

Kirimkan maklumat dan maklum balas kepada: ekonomi@kosmo.com.my

Faks: 03-9221 8590

InvestKL berjaya menarik 10 firma antarabangsa melabur di Kuala Lumpur pada tahun lalu

Pelaburan syarikat asing RM788j

KUALA LUMPUR – Entiti pelaburan kerajaan, InvestKL, menarik 10 syarikat multinasional yang melabur sebanyak RM788 juta di ibu negara pada tahun 2015.

Ketua Pegawai Eksekutifnya Datuk Zainal Aman Shah berkata, Laporan Prestasi 2015 mendedahkan syarikat-syarikat multinasional berkenaan juga telah mewujudkan 672 pekerjaan berkemahiran tinggi serantau.

"Dalam tempoh lima tahun dari 2011 sehingga 2015, InvestKL telah menarik 51 syarikat multinasional dengan pelaburan diuliskan sebanyak RM5.9 bilion serta mewujudkan lebih 7,000 pekerjaan di peringkat serantau," katanya dalam satu kenyataan di sini semalam.



ZAINAL

Menurut Zainal, antara syarikat multinasional tersebut adalah syarikat Perancis, Worldline yang merupakan penggiat global dan peneraju dalam industri perkhidmatan urus niaga dan pembayaran di Eropah serta syarikat kimia khusus yang berpangkalan di Switzerland, Clariant bagi perniagaan perkhidmatan minyak.

"Syarikat-syarikat ini juga mengubah landskap bandar raya ini dan menarik lebih banyak tenaga kerja global menerusi kerjasama dengan syarikat tempatan untuk memupuk inovasi, meningkatkan kemahiran dan pembangunan bagi pelbagai pelangan perniagaan," katanya.

Beliau memaklumkan, setakat ini, 32 peratus atau RM1.9 bilion daripada pelaburan bernilai RM5.9 bilion telah

direalisasikan, manakala 66.9 peratus atau 4,786 daripada 7,156 pekerjaan kemahiran tinggi serantau telah berada dalam senarai gaji.

Laporan Prestasi 2015 turut mendedahkan bahawa kehadiran syarikat-syarikat multinasional meningkatkan pasaran hartanah di Kuala Lumpur dan Selangor dengan menyumbang kira-kira RM39.9 juta dalam kadar sewa ruang pejabat.

Zainal berkata, separuh kedua tahun ini kelihatan positif dan pihaknya sedang giat berbincang dengan syarikat-syarikat utama Fortune 500 dan Forbes 2000 yang melahirkan minat untuk melabur di sini.

"Kita dalam kedudukan baik untuk memanfaatkan lokasi, kreativiti, daya saing kos, kepelbagaian budaya, pembangunan prasarana dan pelbagai pilihan hab perniagaan Greater KL," ujarnya.



LOKASI, daya saing kos, kepelbagaian budaya dan pembangunan prasarana adalah antara ciri-ciri yang menarik pelaburan firma asing ke Kuala Lumpur. – Gambar hiasan

New Bob bakal buka 3 Tido Hostel

Oleh NOR SYARIZA MUHD TAHIR

KUALA LUMPUR – New Bob Group (New Bob), syarikat pemaju hartanah dari Pulau Pinang, meyasarkan untuk membuka tiga lagi tempat penginapan *flashpacker*.



Tido Hostel di sekitar Kedah, Ipoh, Perak dan Lembah Klang menjelang tahun 2017.

Pengarahannya, Dr. Lee Ville berkata, den-

gan peruntukan pelaburan sekitar RM2 juta hingga RM5 juta bagi membuka sebuah cawangan, langkah itu merupakan sebahagian strategi syarikat untuk memperluaskan perniagaan hospitalitinya ke negeri-negeri lain di seluruh Malaysia selain Pulau Pinang.

"Pada masa ini, kami sedang berada dalam proses membeli hartanah yang bersesuaian dengan konsep Tido Hostel iaitu bergaya dan selesa, namun pada harga bajet.

"Minat kami adalah lebih cenderung ke arah bangunan kedai lama yang mudah dibaiki pulih dan dinaik taraf bagi menghasilkan sebuah pusat penginapan yang kelihatan segar dan menarik," katanya kepada *Kosmo!* di sini baru-baru ini.

Terletak di Argyll Road, George Town, Pulau Pinang, Tido Hostel menawarkan kemudahan penginapan untuk pelancong *flashpacker* iaitu individu yang mengembara dalam per-



TIDO Hostel menyediakan ruang penginapan bergaya dan selesa pada harga berpatutan.

belanjaan terhad namun masih mengutamakan keselesaan dan gaya.

Mula beroperasi pada April tahun ini, Tido Hostel menyediakan sejumlah 16 bilik, di mana lapan daripadanya terdiri daripada bilik berkonsep asrama yang dilengkapi dengan lapan buah katil di setiap bilik.

Manakala lapan bilik lagi terdiri daripada unit berkembar.

"Kami optimis sektor pelangan negara akan terus mengalami pertumbuhan yang memberangsangkan, dipacu oleh pelbagai faktor termasuk peningkatan perbelanjaan domestik berikutan kelemahan ringgit dan ketidakpastian ekonomi global.

"Dengan potensi ini, syarikat mengujunkan segmen hospitaliti untuk menyumbang antara 20 hingga 30 peratus kepada

perolehan keseluruhan kumpulan dalam tempoh tiga tahun akan datang.

"Ini selepas Tido Hostel diperluaskan ke negeri-negeri lain, ujarnya.

Tambah Ville, pada masa ini, Tido Hostel hanya menyumbangkan sebanyak dua peratus kepada perolehan keseluruhan kumpulan.

Pembukaan sebuah lagi perniagaan hospitaliti New Bob iaitu Tropics 8 pada penghujung tahun ini diunjur akan meningkatkan kadar tersebut kepada lapan peratus.

"Suite komersial Tropics 8 yang terletak di Jalan Gottlieb bakal menyediakan kemudahan hospitaliti kepada pelancong perniagaan bagi melengkapkan perkhidmatan yang diambil mereka di mana-mana hospitaliti rdekati," jelasnya.

Mohamad Amri dilantik CEO MSM

KUALA LUMPUR

- Pengeluar gula bertapis terbesar negara dan anak syarikat kepada Felda Global Ventures Holdings Berhad (FGV), MSM Malaysia Holdings Bhd. (MSM), mengumumkan pelantikan Mohamad Amri Sahari@Khuzari sebagai Presiden dan Ketua Pegawai Eksekutif (CEO) Kumpulan bertukar kuasa semalam.

MSM dalam satu kenyataan berkata, beliau yang sebelum ini berkhidmat sebagai Timbalan Ketua Pegawai Eksekutif MSM, menggantikan Allah-Yarhan Datuk Sheikh Awab Sheikh Abood yang meninggal dunia pada 14 April lalu.

"Mohamad Amri yang dikenali dengan pegangan nilai teras yang kukuh telah berkhidmat selama 27 tahun bersama Kumpulan Felda dan MSM. "Beliau memainkan peranan penting dalam usaha meningkatkan prestasi syarikat tertamanya bidang operasi, dasar, strategi, pertumbuhan dan keuntungan," katanya di sini semalam.

MSM berkata, pihaknya yakin bahawa Mohamad Amri akan meneraju fasa-fasa penting dalam terus membina syarikat berkenaan pada masa hadapan. Mohamad Amri memulakan kerjayanya sebagai jurutera



MOHAMAD AMRI

tahun 2004, selain memainkan peranan penting dalam merealisasikan penyertaan MSM di pasaran utama Bursa Malaysia pada tahun 2011.

Ekoran itu, beliau kemudiannya menyandang jawatan Timbalan Ketua Pegawai Eksekutif MSM sebelum pelantikan terbaharu semalam.

Mohamad Amri merupakan graduan Universiti Teknologi Malaysia dan South Dakota State University, Amerika Syarikat dalam Ijazah Sarjana (Pengurusan Strategik) serta Ijazah Sarjana Muda Sains (Kejuruteraan Mekanikal).

MSM mengesahkan penerimaan gula FGV menerusi dua anak syarikat, MSM Prai Bhd. dan MSM Perlis serta syarikat logistik iaitu MSM Logistics Sdn. Bhd. dan syarikat dagangan, MSM Trading International DMCC di Dubai, Emiriah Arab Bersatu (UAE).